

ХДР

1918-йил
21-йундан чиқа
бoshlagan

№5, 2024-йил
7-феврал,
chorshanba (32.803)

Ўзбекистон ОҮҮҲ

Ijtimoiy-siyosiy gazeta

Birgalikda ijtimoiy davlat sari!

ЭЛЕКТРОМОБИЛЬ ТАРМОҒИНИ РИВОЖЛАНТИРИШ ЧОРА-ТАДБИРЛАРИ ТАҚДИМОТ ҚИЛИНДИ

Президент Шавкат Мирзиёев 6 февраль кунги электромобиль ишлаб чиқаришни кенгайтириш чора-тадбирлари бўйича тақдимот билан танишди.

Мамлакатимизда автомобилсозлик бўйича катта тажриба ва инфратузилма бор. Бугунги кунда 8 та заводда ўнлаб турдаги автомобиллар, йўловчи ва юк машиналари, қишлоқ хўжалиги ва махсус техникалар ишлаб чиқарилмоқда. Яна 2 мингдан зиёд корхонада кооперация асосида бутловчи ва эҳтиёт қисмлар тайёрланмоқда.

Ўтган йили декабрда бўлган йиғилишда давлатимиз раҳбари электромобиллар ҳаётга тез кириб келаётганини таъкидлаб, бу соҳани ўзлаштириш бўйича топшириқлар берган эди. Жорий йил январда Хитойга давлат ташрифи чоғида Президентимиз "BYD" компаниясининг бош қароргоҳида бўлди. Ушбу компания билан ҳамкорликда Жиззах вилоятида гибрид ва электр автомобилларни йиғиш бўйича лойиҳа бошланди. Компания раҳбари билан музокара чоғида яқин истиқболда ишлаб чиқариш қувватини йилига 500 минг донагача етказиш бўйича фикр алмашилган эди.

Бу замон талаб қилаётган йўналиш. Сўнгги уч йилда Ўзбекистонда электромобиллар сотуви 10 баробар кўпайган. 2023 йилда импорт қилинган автомобилларнинг 35 фоизини электромобиль ва гибридлар ташкил қилган.

Шу боис мутасаддиларга бу йўналишдаги марраларни кенгроқ олиб, лойиҳаларни жадаллаштириш бўйича кўрсатмалар берилди. "BYD" компанияси ҳамкорларини жалб қилиб, электромобиллар учун бутловчи қисмларни ўзлаштириш зарурлиги таъкидланди.

Мазкур янги тармоқда рақобатбардош бўлиш учун, энг аввало, инновация ва илғор технологиялар керак. Шу боис Турин политехника институти, муҳандислик марказлари, илмий институт ва лабораторияларни ўзаро боғлайдиган яхлит тизим яратиш вазифаси қўйилди.

Шунингдек, бу соҳа ривожланиши билан мутахассис ва ишчиларга талаб ортади. Яқин уч йилда бу талаб 10 мингга етиши мумкин. Шунинг учун малякали кадрлар тайёрлашни ҳозирдан бошлаш кераклиги қайд этилди.

Электромобилларни қувватлаш станцияларини ривожлантириш бўйича дастур ишлаб чиқилиши белгиланди.

president.uz

ЯНГИ РУКН: ДАСТУР ВА АМАЛ

ЎЗБЕКИСТОН ХДР МУҲИМ МАҚСАДИГА ЭРИШДИ



2

ЖАМОАТЧИЛИК МУҲОКАМАСИ

ҚЎШИМЧА ТАКЛИФЛАР



«Ўзбекистон-2030» стратегиясини «Ёшлар ва бизнесни қўллаб-қувватлаш йили»да амалга оширишга оид давлат дастури лойиҳаси кенг жамоатчилик муҳокамасида бўлиб турибди.

Давлат дастури лойиҳаси 5 та қисм ва 100 та мақсаддан иборат.

Очиғи, давлат дастури ёки бошқа бирор бир лойиҳанинг кенг жамоатчилик муҳокамасига қўйилиши жамиятимизни ҳайрон қолдирмай қўйди. Тўғри 5-6 йил олдин бундай жараён ҳақида тасаввурга ҳам эга эмасдик. Ҳозир жамият ҳаётига молик кўплаб масалалар жамоатчилик муҳокамасига қўйилиб, сизу биз билдирган таклиф ва ташаббуслар ёрдамида сайқалланмоқда.

Муҳокамалар лойиҳа ташаббускорлари ва жамоатчилик ўртасида ўзаро тушуниш, бир-бирига ишонч муҳитини яратишга ёрдам беради. Бугун Давлат дастури ёки қайсидир қонун лойиҳасини муҳокама қилаётган шахс эртага ҳеч бўлмаганда оиласи, кўни-кўшниси ёки маҳалла кўйи доирасида муҳокама қилинадиган масалада таклиф бериши, фикр айта олиши шубҳасиз. Бу жамиятимиздаги энг хавфли иллатлардан бири бўлган лоқайдликдан халос бўлишимизда муҳим аҳамиятга эгадир.

Давлат дастури лойиҳасидан Халқ демократик партияси ғояларига тўлиқ мос келадиган мақсад ва вазифалар ҳам ўрин олмақда. Аввало муҳим лойиҳа депутатлар ва партия фаолларидан изчил қўллаб-қувватланаётганини таъкидлаш жоиз.

Албатта, мақсадларни янада аниқлаштириш, қамровини кенгайтириш бўйича қўшимча таклифлар билдирилмоқда.

Жумладан, 13-мақсадда «Аҳолининг юқумли бўлмаган касалликларни олди-

ни олиш, уларнинг хавф омиллари, эрта аниқлаш ва даволаш бўйича хабардорлигини ошириш» масаласи ўрин олган. Халқ демократик партияси депутатлари ушбу масалани ўринли деб билиб, шу ўринда, мазкур мақсад қуйидаги тартибда баён қилинса мақсадга мувофиқ бўлар эди, деб ҳисоблайди:

«Аҳолининг юқумли бўлмаган касалликларни олдини олиш, уларнинг хавф омиллари, эрта аниқлаш ва даволаш бўйича хабардорлиги ҳамда тиббий саводхонликни ошириш бўйича чора-тадбирлар кўриш, жумладан, оммавий ахборот воситалари ва ижтимоий тармоқларда соғлом турмуш тарзи ва соғлиқни сақлашни тарғиб қилиш бўйича лойиҳаларни амалга ошириш».

Бу таклиф одамларнинг соғлиғига оид хулқ-атворини ўзгартиришга ундаш учун аҳоли ўртасида соғлиқни сақлаш саводхонлигини ошириш бўйича таъсирчан чораларни кўриш зарурлиги билан изоҳланмоқда.

Лойиҳанинг 22-мақсади 49-бандида «Ўзгалар парваришига муҳтож бўлган шахсларга ижтимоий хизматлар кўрсатиш тизимини такомиллаштириш» билан боғлиқ вазифа белгиланмоқда.

Ушбу масала Халқ демократик партияси Сайловолди дастурий мақсадлари билан ҳамоҳангдир. Жумладан, партиянинг Сайловолди дастурида ёлғиз кесалар, ота-она қарамоғидан маҳрум бўлган болалар, ўзгалар парваришига муҳтож бўлган ногиронларга ижтимоий хизмат кўрсатишда давлат-хусусий шериклик механизмларидан фойдаланиш ҳамда ижтимоий тадбиркорлик бўйича илғор давлатлар тажрибасини ўрганиш вазифаси белгиланган.

Шу нуқтаи назардан, партия фаоллари

49-бандни қуйидаги тартибда баён қилинишини мақсадга мувофиқ, деб ҳисобламоқда:

«Ўзгалар парваришига муҳтож бўлган шахсларга ижтимоий хизматлар кўрсатиш тизимини такомиллаштириш ҳамда уйда ижтимоий хизмат дастурини амалга ошириш».

Шунингдек, дастур лойиҳасидаги 23-мақсадда кўзи ожиз шахсларга хорижий тилларни ўрганишда қўлай ва мақбул муҳитни яратиш назарда тутилмоқда.

Партия фаоллари эса кўзи ожиз шахсларга хорижий тилларни ўрганишда қўлай ва мақбул муҳитни яратиш ҳамда комплекс метологияни ишлаб чиқиш, ўрганиш инфратузилмасини ривожлантириш, шунингдек, ушбу мақсадда ногиронлиги бўлган шахсларга муносиб иш ўринлари яратиш орқали улар бандлигини таъминлашни 2 баробарга ошириш вазифасини эса ногиронлиги бўлган шахсларга муносиб иш ўринлари яратиш, субсидияланган иш ҳақи ва иш жойларини таъминлаш учун компенсация тизимини жорий этиш орқали улар бандлигини таъминлашни 2 баробарга ошириш, деб тўлдириш каби қатор таклифларини билдиришмоқда.

Эътиборлиси, Давлат дастури лойиҳасидан ўрин олган ҳар бир вазифа, уни амалга ошириш механизмлари ва масъуллар ҳам аниқ белгиланмоқда. Бирор вазифа бажарилмай қолса, жамоатчилик кимга мурожаат қилишни билади. Бу масъулларда ҳам ўзига бириктирилган топшириққа янада жиддий ёндашишга туртки беради.

Дастур бўйича 6 январь ҳолатига кўра, 1690 дан ортик таклифлар берилган. Муҳокамалар 2024 йилнинг 31 январидан 9 февралгача давом этади.

ЭЛЕКТОРАТ
МАНФААТИ

ИНКЛЮЗИВ ТАЪЛИМ

4-5 САҲИФАЛДАРДА



СОҒЛИҚНИ САҚЛАШ
МАСЪУЛЛАР ВА
МУТАСАДДИЛАР
УЯЛИШИ КЕРАК

3

ЎЗБЕКИСТОН ХДП ФРАКЦИЯСИ

ПАРЛАМЕНТ НАЗОРАТИНИ

КУЧАЙТИРАДИ

ЎТГАН ҲАФТА БОШИДА, ЯЪНИ 29 ЯНВАРЬ КУНИ ПРЕЗИДЕНТИМИЗ УЙ-ЖОЙ, ҚУРИЛИШ, КОММУНАЛ ХЎЖАЛИГИ, ТРАНСПОРТ ВА ЭКОЛОГИЯ СОҲАЛАРИДА АМАЛГА ОШИРИЛГАН ИШЛАР САРҲИСОБИ ВА 2024 ЙИЛДАГИ УСТУВОР ВАЗИФАЛАР ЮЗАСИДАН ВИДЕО-СЕЛЕКТОР ЙИҒИЛИШИ ЎТКАЗДИ.

УНДА ДАВЛАТ РАҲБАРИ ҚУРИЛИШ СОҲАСИГА ЗАМОНАВИЙ СТАНДАРТЛАРНИ ЖОРИЙ ҚИЛИБ, ҚУРИЛИШ НОРМАЛАРИНИ ЯНГИЛАШ, ИЧМИЛИК СУВИ ТАНАРХИ ВА ТАРМОҚДАГИ ЙЎҚОТИШЛАРНИ КАМАЙТИРИШ, МАҲАЛЛИЙ АВИА РЕЙСЛАРНИ КЎПАЙТИРИШ, ТОШКЕНТ ШАҲРИДА ТИРБАНДЛИКНИ КАМАЙТИРИШ ВА ЖАМОАТ ТРАНСПОРТИНИ ЯХШИЛАШ БЎЙИЧА ҚАТЪЙ ТОПШИРИҚЛАР БЕРДИ.

ЙИҒИЛИШДА ТРАНСПОРТ ТИЗИМИНИ РАҚАМЛАШТИРИШ, ЙЎЛ ҚУРИЛИШИ ВА ЭКСПЛУАТАЦИЯСИГА ХУСУСИЙ СЕКТОРНИ ЖАЛБ ҚИЛИШ, ТЕМИР ЙЎЛДА ЮК ТАШИШ АВТОМОБИЛГА НИСБАТАН 3 БАРОБАР КЎП ВАҚТ ТАЛАБ ҚИЛАЁТГАНИ, ҲАВО ИФОСЛАНИШНИНГ ОЛДИНИ ОЛИШ БЎЙИЧА ИЛМИЙ АСОСЛАНГАН ТАКЛИФ ВА ҲИСОБ-КИТОБЛАР ҚИЛИНМАЁТГАНИ БЎЙИЧА ТЕГИШЛИ ВАЗИРЛИК ВА ИДОРЛАР ФАОЛИЯТИДАГИ СУСТКАШЛИКЛАР КЎРСАТИБ ЎТИЛДИ.

ОЛИЙ МАЖЛИС ҚОНУНЧИЛИК ПАЛАТАСИДАГИ ЎЗБЕКИСТОН ХАЛҚ ДЕМОКАТИК ПАРТИЯСИ ФРАКЦИЯСИНИНГ КЕНГАЙТИРИЛГАН МАЖЛИСИДА ВИДЕОСЕЛЕКТОРДА КЎТАРИЛГАН МАСАЛАЛАР ҲАМДА БЕЛГИЛАНГАН ВАЗИФАЛАРНИНГ ПАРТИЯ ДАСТУРИЙ МАҚСАДЛАРИГА ҲАМОҲАНГЛИГИ ТАЪКИДЛАНДИ. ХУСУСАН, ҚУРИЛИШ, УЙ-ЖОЙ, КОММУНАЛ ХЎЖАЛИГИ, ТРАНСПОРТ СОҲАЛАРИДА БЕЛГИЛАНГАН УСТУВОР ВАЗИФАЛАРНИ БАЖАРИШДА ФАОЛ ИШТИРОК ЭТИШ БЎЙИЧА ФИКР АЛМАШИЛДИ.

ҚАЙД ЭТИЛДИКИ, КЎРИБ ЧИҚИЛГАН МАСАЛАЛАРНИНГ АМАЛИЙ ИЖРОСИНИ ТАЪМИНЛАШДА ПАРЛАМЕНТ, ДЕПУТАТЛАР ИШТИРОКИНИ КУЧАЙТИРИШ ДОЛЗАРБ ВАЗИФА ҲИСОБЛАНАДИ. ЖУМЛАДАН, ҚУРИЛИШ ОБЪЕКТЛАРИНИ ҚАБУЛ ҚИЛИШ ТИЗИМИНИ ТАКОМИЛЛАШТИРИШ, НОҚОНУНИЙ ҚУРИЛИШЛАРГА ЧЕК ҚЎЙИШ, БОЗОР ИҚТИСОДИЁТИ ҚОЙДАЛАРИ АСОСИДА РИВОЖЛАНИШИНИ ТАЪМИНЛАШ ТАЛАБ ЭТИЛАДИ. БОЗОР МУНОСАБАТЛАРИ КИРИБ БОРАЁТГАН ҲАР БИР СОҲАДА ҚОНУН УСТУВОРЛИГИГА ЭРИШИШ ВА ЭРКИН РАҚОБАТ МУҲИТИ ҚАРОР ТОПГАН БЎЛИШИ ЗАРУР.



Мақсуда ВОРИСОВА, Олий Мажлис Қонунчилик палатасидаги Ўзбекистон ХДП фракцияси аъзоси:

— Таъкидлаш керакки, Президент илгари сурган ғоялар, белгилаб берган қатъий вазифалар Халқ демократик партиясининг электроти манфаатларига, дастурий мақсадларига ҳар томонлама мос келади. Шунинг учун партиямиз фракцияси, маҳаллий Кенгашлардаги партия гуруҳларининг фаоллигини ошириш жуда муҳим.

Депутатлик, жамоатчилик назоратини амалга оширишдаги ёндашувни янада кучайтириш, ижтимоий соҳадаги муаммо ва камчиликларда депутатлар ҳам ўзларини масъул ҳисоблаши зарур.

Яна бир масала — коммунал хизматлар кўрсатиш бозорини тартибга солиш, қарздорлик ҳолатларини қисқартириш лозим. Шу боис, минимал коммунал тўловлари меъёрларини ишлаб чиқиш бўйича қонунчиликни такомиллаштириш парламент олдидаги муҳим масала ҳисобланади.

Шарофиддин НАЗАРОВ, Олий Мажлис Қонунчилик палатасидаги Ўзбекистон ХДП фракцияси аъзоси:

— Бу йил бошидан ҳар бир йўналиш, ҳар битта комплекс таҳлил қилиб келинган. Мана ўтган ҳафтада ўтказилган видеоселектор йиғилишида танқид қилинган соҳалар мисолида қарайдиган бўлсак, шундай тўхтамга келиш мумкин. Яъни, қайси бир соҳада ислохотлар кеч бошланган, ўлда-жўлда қилинган бўлса, охирига етказилмаса, ана шу соҳада салбий ҳолатлар юзага келяпти. Давлат раҳбари биргина транспорт соҳасида 3 йил олдин берилган топшириқлар бажарилмаганини таъкидлади.

Биламизки, темир йўл бутун дунёда узлуксиз фойдаланиладиган инфратузилма ҳисобланади. Бизда эса суткада бир ёки икки

марта поезд юради. Демак, темир йўлдан фойдаланиш даражамиз ниҳоятда пасайиб кетган. Масалан, Шахрисабздаги тadbиркорлар билан гаплашганимда, улар ўз маҳсулотини "фура"лар ёрдамида Тошкентга юборишини айтди. Бу эса хавфсиз ташиш усулига кирмайди. Темир йўл тизими арзон ва хавфсиз бўла туриб, нега уларнинг хизматидан фойдаланилмаслигини сўраганимда, "Товарим Тошкентга етиб бориши учун бир ҳафта куттишим керак", деб жавоб берди. Юк ташиш поездлари бир ҳафта давомида маҳсулот тўплаб, составни йиғиб кейин йўлга чиқар экан. Бу соҳага ислохот кирмаганидан далолат беради.

Уй-жой қурилишини оладиган бўлсак, у ерда ҳам ана шундай қўл учида, чала-чулпа иш қилинганини кўраемиз. Қаердаки, ислохот бўлмаса, ўша ерда рақобат йўқ, ўша ерда монополия, ўша ерда коррупция авж олади. Ривожланиш ҳам, ижобий ўзгариш ҳам бўлмайди.

Энди унинг назоратига келсак, ҳар бирининг устига биттадан "ревизор" қўйганда ҳам ўша иш бўлаверади. Яъни, бу шаклда назорат қилиш имконсиз. Жамоатчилик назорати ва маҳаллий Кенгашларнинг ролини кучайтириш орқали масалага ижобий ечим топиш имкони юзага келади. Ижро ҳоқимияти фаолияти устидан назорат ўрнатилиши бошқача йўли йўқ. Бир нарсани ишонч билан айтманки, маҳаллий Кенгашлар ўзгаришларга, бу борадаги ислохотларга тайёр.

Бирор бир объектни бузиб қуриш бўладими, дарахтларни кесиши ёки бошқа бир масалами Кенгашлар муҳокамасидан ўтиши лозим. Шунинг ҳам айтиш керакки, парламентда, хусусан, фракцияларда, кўмиталарда етарлича ваколат бор. Лекин, очиғини тан олишимиз керак, биз улардан тўлиқ фойдалана олмаяпмиз. Қуруқ тавсия бериш билан чекланаяпмиз. Бирор-бир масалани маҳкам

» **Уй-жой қурилишини оладиган бўлсак, у ерда ҳам ана шундай қўл учида, чала-чулпа иш қилинганини кўраемиз. Қаердаки, ислохот бўлмаса, ўша ерда рақобат йўқ, ўша ерда монополия, ўша ерда коррупция авж олади. Ривожланиш ҳам, ижобий ўзгариш ҳам бўлмайди.**

ушлаб, уни охиригача етказиш имкониятига эгамиз. Шунинг учун ўзимизга тегишли соҳаларда назоратни кучайтирмасак бўлмайди.

Мисол учун, қурилишларда ҳуқуқсиз ишлаётганлар ҳақида меҳнат инспекциясидагилар билмайдими? Албатта, хабардор. Чунки улар ҳисобот топширади. Улар бориб ўрганиши, ишчиларнинг ҳуқуқларини ҳимоя қилиши лозим. **Нега биз мутасаддилардан бу ҳақида сўрамаймиз, қайта-қайта муҳокама қилмаймиз? Дори-дармон ёки таълим тизимидаги камчиликларни, умуман, электротизимиз манфаатига тегишли соҳаларни бир эмас, қайта-қайта кўрайлик, қатъий масала қўяйлик. Қандай бажарилди, нима қилинди, деган рақамлар билан чекланмасдан, чуқурлаштирилган ҳолда таҳлил қилиш зарур.**

Бу йил Давлат бюджетни ижроси бўйича Президент қарори чиқди. Ана шу асосида ҳар бир вазирлик ва идоранинг мақсад индикаторлари белгиланган. Мазкур масалани кўриш чоғида қуруқ бажарилгани ёки йўқ, дейиш билан чекланмаслигимиз керак. Демак, индикатор билан боғлиқ фаолиятни истаганча чуқурлаштириб кўришга ваколатимиз бор. Керак бўлса, ҳисоботларини кўрсатсин. Молиявий фаолият нуқтаи назаридан ҳам ишимизни кўрсатиш вақти келди. Йил бошидан фаолиятимизни ана шу асосида ташкил этиш лозим, деб ҳисоблайман.

Анвархон ТЕМИРОВ, Олий Мажлис Қонунчилик палатасидаги Ўзбекистон ХДП фракцияси аъзоси:

— Аввало, ҳар бир ҳудуд раҳбари, ҳар бир масъул ўз зиммасига юклатилган вазифани бажариши шарт. Бу инкор этиб бўлмас ҳақиқат. Бирок ҳар доим ҳам ушбу қондага амал қилинмаслиги, одамлардаги бепарволик, лоқайдлик ёки "бўлаверади" қабилдаги қарашлар жамиятдаги муаммоларнинг асосий сабабидир.

Фақат танқид қилиб, ёмонлаб вазиятни яхши томонга ўзгартириш имконсиз. Шундай экан, хулоса чиқариш, ўрнат олиш ва назорат

ўрнатиш талаб этилади. Яъни, ҳар бир шахс зиммасидаги масъулиятни ҳис қилиши лозим.

Масалан, айрим депутатлар шу пайтгача қўллаган қарашларидан воз кечиши шарт. Парламент ҳам, маҳаллий Кенгашлар ҳам ўз вазифасини бажариши керак. Кенгашда қачонгача муҳокама қилиб, сессияга масала киритилгани ёки қарор қабул қилинганидан қаноатланиб, мамнун бўлиб юрамиз? Ўрганилган муаммонинг ечими бўйича нималар қилингани, унинг ижроси устидан назорат ўрнатмас эканми, хотиржам бўлишга ҳаққимиз йўқ.

2024 йилдаги устувор вазифаларнинг амалий ижросини таъминлашда парламент иштирокини кучайтириш, депутатлик ва жамоатчилик назоратини қатъий олиб бориш бўйича таклифлар ўртага ташланди.

Олий Мажлис Қонунчилик палатасида 4 ишчи гуруҳ тузилгани, хусусан, уй-жой, коммунал соҳаси бўйича ишчи гуруҳга Ўзбекистон ХДП фракцияси аъзолари асосий масъул этиб белгилангани, электротизим манфаатларини ҳимоя қилишда бу муҳим аҳамиятга эга экани қайд этилди.

Ишчи гуруҳнинг фаолиятини самарали йўлга қўйиш, таъсирчан парламент ва депутатлик назоратини олиб бориш бўйича таклиф-мулоҳазалар билдирилди. Хусусан, қонунлар ижросини танқидий-таҳлилий ўрганиш, тизимнинг ҳуқуқий асосларини янада такомиллаштириш бўйича асосланган таклифлар тайёрлаш учун ҳудудларга чиққан ҳолда назорат-таҳлил тadbирларини ўтказиш режалаштирилди.

Аҳолининг турмуш фаровонлиги ва ижтимоий кайфиятига бевосита таъсир кўрсатадиган уй-жой, коммунал соҳасида масъулият ҳамда натижадорликка эришиш муҳим экани таъкидланиб, иш жараёнини ҳар томонлама пухта ташкил этишга келишиб олинди.

**Зилола УБАЙДУЛЛАЕВА,
"Ўзбекистон овози" муҳбири.**



ОЧИҚ ГАПЛАР

Weather forecast for various regions: Qoraqalpog'iston, Buxoro, Toshkent, Kashkadaryo, Andijon, Tashkent city.

"ЎЗСУВТАЪМИНОТ" АЖ ДИҚҚАТИГА!



300 ДАН ОРТИҚ ХОНАДОННИНГ

30 ЙИЛЛИК ОРЗУСИ УШАЛАДИМИ?

Узун туманининг "Мустақиллик" маҳалласида яшовчи 300 дан ортиқ хонадонни ичимлик суви муаммоси қийнаб келмоқда. Хотин-қизлар олисдан обиҳаёт таҳиса, кимдир улову техникада олиб келади. Бошқа биров эса тоннасини 50-60 минг сўмга сотиб олишга мажбур.

ми бош муҳандиси Қурбонали Ходиев "Масала икки кунда ечим топишини" ваъда қилган бўлса, туманимиз ҳокими Хабибулла Бозоров бунёдкорликлар тўлиқ ҳокимлик томонидан амалга оширилишига сўз берганди.

кувур ётқизилди. Минорани таъмирлаш, махсус қудуқ барпо этиш, тизимга улаш ишлари амалга ошмаганидан, тўғриси, хабарим йўқ...

ТУҒМА КАРЛИКНИ ДАВОЛАШ БЎЙИЧА ОЛАМШУМУЛ НАТИЖАГА ЭРИШИЛДИ

Туғма карлик нуқсонни билан дунёга келган 5 нафар бола энди сўз ва товушларни ҳеч қандай эшитиш мосламаларисиз тинглаб, талаффуз қила олади. Бу оламшумул воқелик генетика муҳандислигининг ирсий касалликлар устидан ғалабаси, деб баҳоланмоқда.

ҲАМКОРИМИЗ

1,1 МИЛЛИОН АҲОЛИ

ИЛК БОР ИЧИМЛИК СУВИ БИЛАН ТАЪМИНЛАНДИ



"Ўзсувтаъминот" акциядорлик жамияти томонидан "Аҳолини ичимлик суви билан таъминлашда қурилиш ишларининг сифати ва тезкорлиги: қўшма лойиҳалар, эришилган натижалар ва ечимини кутаётган масалалар" мавзусида матбуот анжумани ўтказилди.

миллион нафар аҳолининг ичимлик суви таъминоти ва сифати тубдан яхшиланди. Бундан ташқари, "Зарафшон" дарёси сувидан фойдаланиш ҳисобига Жиззах вилоятининг ичимлик суви таъминотини яхшилаш лойиҳаси доирасида Дўстлик, Пахтакор, Мирзачўл туманлари ва Жиззах шаҳри аҳолисининг ичимлик суви таъминоти ҳам яхшиланди.

жаси 91 фоизга ва Хоразм вилоятининг бу кўрсаткичи 90 фоизга етказилди. Шу билан бирга, ичимлик ва оқова суви сифатини назорат қилувчи 20 та лаборатория, жумладан, Бухоро вилоятида 6 та, Toshkent вилоятида 5 та, Сирдарё вилоятида 2 та, Жиззах вилоятида 2 та ҳамда Қорақалпоғистон Республикасида 5 та лаборатория Ўзбекистон давлат стандарти талабларига мувофиқ техник жиҳатдан малакалигини маъқуллаш сертификатга эга бўлди.

Яна шуни алоҳида қайд этиш мумкинки, барча кўрсаткичларни бажарган ходимларга 8,5 миллион сўмга иш ҳақи белгиланмоқда. Шунингдек, соҳа бўйича келиб тушаётган мурожаатларни тезкорлик билан ўрганиш учун "SuvniAsra" тизими жорий қилиниб, ушбу тизим орқали мурожаатчилар исталган жойдан хабар бериши учун мобиль илова яратилди ҳамда @suvniatmobot телеграм боти орқали мурожаат қолдириш имкони пайдо бўлди.

Publication information including MUASSIS: O'zbekiston ovozi, Tahrir Hay'ati, Bosh muharrir: To'liqin TO'RAXONOV, Manzilimiz: 100135, Toshkent, Bunyodkor shoh ko'chasi, 50 «A»-uy, and contact details.